


# NOTATA ANT. MERCATORIS



Ad libros Animaduersionum  
Iohannis Roberti.



~~22-6-47~~

*Roberto  
Roberti  
Roberti*



*Sancti Augustini  
de sermone  
in monte*

BITVRIGIBVS,  
APVD AMBROSIVM BRILLARD,  
SVB SCVTO ANCHORAE.

M. D. LXXXI.





ANT. MERCATOR IOHANNI  
ROBERTO

**L**EGI libros tres Animadversionum  
quos triennio pasturisti & edidisti nu-  
per, de quibus quid sentiam si fortè re-  
quiris, Essent memorabiles si exissent  
ante annos C. C. ferius editi non sunt memorabiles,  
digni tamen mihi sunt visi adnotationibus, quod  
subobscuriores essent. quia nec tu in scribendo La-  
tino sermone, nec in ratiocinando arte & sensu com-  
muni uti voluisti, quodque in Dominum meum &  
in veritatem ipsam rerum essent aliquantò impuden-  
tiores immodestiorésque. Has ego si feci te inconsul-  
to non est quod doleas: feci enim in rem tuam, pri-  
mum ut ex obscuro clarior esses & suavior, deinde ut  
via tibi pateret qua deerrabas si eam ingredi fortè tan-  
dem & capessere velles. hoc tantò dolere & queri po-  
tes quod Lorarios adhibuerim qui in hoc opere mi-  
hi suppetias ferrent, facerenque secundas. sed quid  
egissem? non poteram solus tot sufficere animaduer-  
sionibus, alij mihi fuerunt in auxilium aduocandi Do-  
ctores. Verum senties me in his, etsi non sequi ser-  
monem sensúmque tuum vtrumque tamen adsequi

NOTATA ANT.  
MERCATORIS,

*Ad libros Animaduersionum.*

AD LIB. I. CAP. I.



ONSTARE ais condicionem, si non nupserit remitti lege Papia, quod tamē nullo auctore comprobare possis. Si nō possis, non cōstat igitur, nisi te solum vis haberi pro auctore locupletissimo. Nos qui id legi Iulix adscribimus, quæ Miscella appellata est, habemus auctorem Iustinianum in l. 2. & 3. C. de ind. vid. tol. &

Nou. XXII.

Et mox legem Iuliam & Papiam ad quas multi Iurisconsulti libros scripserunt probas duas esse leges ex interposito articulo, Et, perperam. nam eodem argumento legem Liciniam & Muciam de ciuibus regundis quæ vna lex est sic dicta a duobus Coss. tuo exemplo qui volet efficiet duas esse leges diversas, itemque legem Liciniam & Iuniam, legem Iuliam & Titiam, legem Cæciliam & Didiam. Aut meliore argumento uti debuisti, aut prauo non debuisti rem certam incertam facere atque suspectam. Hoc enim genere veritatem quodammodo impugnas, nullo modo tueris. & inanis quoque est labor in comprobanda re qui sumitur notissima omnibus.

Falso quoque adseris Vlpianum in frag. tit. XII. scribere lenocinium mariti lege Iulia puniri, quia id sane eo loco non scripsit.

## AD CAP. III.



VM iam superiore capite legē Iuliam Miscel-  
 lam fecisses posteriorem & aliam a lege Iulia &  
 Papia, hoc quia refellebat Clemens in l. 62. §. vlt.  
 de cond. & dem. quæ est ad legem Iuliam & Pa-  
 piam, qui ex Iuliano etiam ad viduitatem iniun-  
 ctam à marito eam legem pertinere docet, qua de re tu solus  
 contendis fuisse Miscellam quasi legem quãdam propriam,  
 non etiam ad curam iniunctam liberorum impuberum, sicut  
 ad legem Æliam Sentiam quæ à patrono vetat iniungi vidui-  
 tatem, idem auctor ex eodem Iuliano cõiuncta vt opinor scri-  
 ptura scripsit non pertinere curam quæ iniungitur liberorum  
 impuberum l. pen. Qui & à quib. man. hoc, inquã, quia refel-  
 lebat epigraphæ d. l. 62. vt effugas quid comminisceris? Hanc  
 scilicet epigraphen ad legem Iuliam & Papiam, non esse spe-  
 ctandam & magis illi adhærendum. Ad leges, quæ est in Indi-  
 ce Digestorum quasi scilicet mēs huius & illius nō sit eadem.  
 hoc vt quoquomodo efficias, quid ais? Legem Iuliam Miscel-  
 lam quam ab his diuersam facis comprehi sub ea inscriptione  
 Ad leges. quod falsum esse coarguit l. vlt. de reg. Cat. quæ no-  
 uas leges appellat non alias quam legem Iuliam & Papiam,  
 quæ non à die mortis vt regula Catoniana sed ex apertis ta-  
 bulis diem legatorum cedere iubet. Hac verò ratione non  
 animaduertis te damnare innumeras inscriptiones legum ex-  
 planatius ita conceptas Ad legem Iuliam & Papiam quæ Ad  
 leges cõcisus in Indice. qui hoc animaduertit si vis scire quid  
 de te sentiat, parcam tibi, pudet dicere, & rumor fortè iam ad  
 te pertulit. Eandem vero esse legem Iuliam quæ Papiæ iun-  
 gitur & eam quæ Miscella appellatur, etiam argumētum præ-  
 stat τὸ πλάτ. Digestorū antiquissimum cuius auctor est Doro-  
 theus in l. vlt. De statul. qua dicitur ex lege nubente muliere  
 cui seruus legatus liber esse iussus erat cum illa nuberet libe-  
 rum fieri, quia scilicet potior est legato libertas. l. Titio vsufr.  
 §. vlt. De cond. & dem. nam Dorotheus eam nupsisse dicit ex  
 lege Iulia Miscella. Vlpianus detracta appellatione Miscellæ  
 hoc tribuit Iuliæ lib. Reg. illo loco, Qui quæ uē neutri legi pa-  
 B. ruerit,

committatur statim atque condicio commissa fuerit morte Titij, nec sit necesse expectare Kal. Maias.

AD CAP. XXX.



**M**ARRUCINE, Ante Kal. Ian. die x. Ante diem x. Kalendarum Ian. non negas utroque sermone significari x. Kal. Ian. Ante Kal. Ian. die IIII & Ante diem IIII. Kalendarum Ian. utroque significari IIII. Kal. Ian. Et tamen negas Post diem x. vel IIII. Kal. Ian. & post Kalendas Ian. die x. vel IIII. utroque sermone significari IIII. Id. vel IIII. Non. Ian. sed posteriori tantum, priori autem x. vel IIII. Kal. Ian. Ergo vis nihil referre dicamus ante diem x. an post diem x. Kal. Ian. nihil referre ante IIII. an post IIII. Kal. Ian. nihil referre dicamus ante an post quod esse absurdissimum quis non videt? nã & si utroque sermone dies x. vel IIII. significetur non x. I. vel IIII. l. 132. De ver. sig. non idem dies tamen significatur, sed vno x. vel IIII. ante Kal. altero x. vel IIII. post Kal. Nec potes effugere quin ut dies xxx. Decembris significatur siue dixeris Ante Kal. Ian. die IIII. siue ante diem IIII. Kal. Ianuariarum, ita & quemadmodum hoc sermone Post Kal. Ian. die IIII. dies IIII. Ianuarij significatur, idem significetur & illo, post diem IIII. Kal. Ian. sicut Græcis *μετὰ τρίτω ἡμερῶν τῆς καλῆς* i. tertio die post Kal. & inscitè igitur reprehendis Dominum qui hoc dixit, simul atque Ant. Augustinum virum nunquam laudatum satis qui diem IIII. Non. Ian. siue Ante diem IIII. Non. Ian. sic etiam recte exprimi censuit, Post diem IIII. Kal. Ianuariar. Vale Marrucine. Quoad potui adminiculavi inscitiam tuam, quam prudenter feceris si confiteare.

Confessio enim inscitæ summa prudentia est.

Quod si non feceris non deerit peregrinus quidam qui suo exotico sermone grauiorem tibi inferat dicam.

\* \* \*

F I N I S.